



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

XLIII. Ad infirmos.

[urn:nbn:de:hbz:466:1-52716](https://nbn-resolving.de/urn:nbn:de:hbz:466:1-52716)

æternitatis? Heu! dimittenda sunt omnia! Sola
admittetur in sinum Abrahæ pauper, & nuda
anima.

Instructio meritoria.

Omnia quæ habemus, & possidemus, in manus Jesu, & Mariæ hodie consignemus cum fiduciali hac contestatione: Hoc oro, hoc cupio, & desidero, ut ab omni proprietatis expoliatus vitiō nudus nudum Jesum sequi valeam. Addantur dein Lytaniæ de dulcissimo Nominе Jesu, & Mariæ. Aurifodinam scimus? Et uti nolumus?

EXHORTATIUNCULA XLIII.

Ad decubentes, & infirmos.

I.

CHRistiane! Cessa ingemiscere! Infirmitas tua grande donum Dei est, quod non raro utilius est sanitatem. Dum sani, deficimus saepius. Dum languidi, resipiscimus, & quærimus, quorum antea vix unquam recordati fuimus. Non ergo nobis dolenda corporis afflictio, quam intelligimus matrem esse virtutum, & conservatricem Divinæ gratiæ.

Instructio meritoria.

Nostros dolores offeramus hodie animabus graviter luentibus in purgatorio, ter inclamantes: *Domine Jesu! per sanctam Passionem, & mortem, quam amore nostrum sustinuisti, quæsumus tuis famulis subveni, quos pretioso sanguine redemisti.*

demisi. Additis in fine quinque Pater, & Ave
cum Psalmo: De profundis.

II.

O Dilecte! Ubi fides? Ubi intellectus, &
ratio nostra? S. Paulus de se gloriatur dicens:
Nihil gloriabor, nisi in infirmitatibus meis. Cum
infirmor, tunc potens sum. Nam virtus in
infirmitate perficitur. Propter quod placebo mihi
in infirmitatibus meis. Si essemus cum D. Pau-
lo è Schola Christi, idem sentiremus de dolori-
bus nostris. Verum hanc doctrinam non capi-
mus omnes, plus intenti, quid patiatur caro,
quam quid placeat Deo.

Instructio meritoria.

Doleat nobis nostra impatentia, quæ major,
& flebilior omni morbo, & infirmitate. Et ut
possibili saltem resarciamus industriâ, S. Rosari-
um de quinque dolorosis Mysteriis recitemus.
Dolor provocat amorem. Jesus à planta pedis
usque ad verticem capitis merus livor, vulnus, &
dolor: Quid nos?

III.

AMICE! à gentili confundimur Seneca, qui ita:
*Nemo potest valde dolere, & diu; sic nos a-
mantissima nostri natura dispositi, ut dolorem aut
tolerabilem, aut brevem faceret.* Nulla igitur
infirmitas fortem dejiciat animum, sive sit levis,
sive gravis. Si enim gravis, tamen brevis est;
si levis, hoc ipso tolerabilis. Certè hæc nostra
mollities est, quæ innumeros facit desertores vir-
tutis, dum omne difficile respuit tanquam into-
lerabi-

lerabile. O Fili! Tolle fictam difficultatem: & placebit infirmitas, in qua summa latet felicitas. Quò dolor austior, eò gloria tibi copiosior.

Instructio meritoria.

Morborum tempore omnes rejiciamus curas, & anxietates! De præteritis doleamus! De futuris in Deum confidamus! Soli patientiæ, & Christianæ fortitudini intendamus, per diem cum S. Laurentio Justiniano sæpius ingemiscentes! *Domine!* *Hic patientiam!* *Ibi indulgentiam!* Pro solatio afflictæ animæ dicamus illa tria de pluribus Martyribus Cantica: *Fustorum animæ in manu Dei sunt &c.* Et Hymnō Ambrosianō finiamus *Te Deum Laudamus.* Amor debetur amanti. Magna agamus, dum sati in corpore; si infirmi, patiamur majora. Amor agendō firmiter; patiendō coronatur. Renuit regnum Dei, qui fortiter pati.

EXHORTATIUNCULA XLIV.

Ad moribundos.

L

Filli! Quorsum? Siccine ad domum æternitatis? Siccine ad beata gaudia nostra properat anima? Gratulor; quia tandem finis æruminarum, quas tulimus in hoc flebili lachrymarum valle. O quantum jam vos expectant Jesus, Maria, & S. Josephus! O quantum Angeli, & Archangeli! Erigite mentem! Excitate cogitationes in spem vivam! Non mortem timete, sed invitare.

Instru-

